

Ilinniartut sungiusartullu atorfinitsinnerini smiley atorlugu aaqqissuussineq pillugu Namminersorlutik Oqartussat nalunaarutaat

Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaanni nr. 17, 27. november 2020-imeersumi § 8, imm. 3, § 10, imm. 6, § 11, imm. 6 aamma 7, § 12, imm. 5, § 15, imm. 5 naapertorlugit aalajangersarneqarput:

Atuuffia

§ 1. Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaanni § 1-imi ilaasutut pisortanut suliffeqarfinnullu nalunaarut atuuppoq.

Smiley atorlugu aaqqissuussineq

§ 2. § 3-mi najoqqutarisat aallaavigalugit Sulisoqarnermut Naalakkersuisoqarfiup suliffinnut aamma pisortaqaqfinnut smiley qorsuk, sungaarteq imaluunniit aappalaarteq tunniuttarpai.

Imm. 2. Ilinniartunik sungiusartunillu najugaqavissunik suliffeqarfiit aamma pisortaqaqfiit qanoq pitsaatigisumik imaluunniit qanoq pitsaanngitsigisumik atorfinitsitsisarnerannut smileyit tassaapput pitsaassutsimut naqissusiissutit.

Imm. 3. Smileyit ingerlaavartumik tunniunneqartarput, aammalu ukiut ilivitsut ataasiakkaat naaneranni.

Imm. 4. Ilanngussaq 1-imi takutinneqartutut smileyit ilusilersorneqarput.

Imm. 5. Sulisoqarnermut Naalakkersuisoqarfiup smileyit suliffissarsiornermut nittartakkamini (www.suli.gl-imi) tamanut saqqummiuttarpai.

Smileyinik tunniussinerni najoqqutassat

§ 3. Najoqqutassat tullinnguuttut tunngavigalugit Sulisoqarnermut Naalakkersuisoqarfiup smileyit qorsuit, sungaartut imaluunniit aappalaartut tunniussinnaavai:

- 1) Ilinniarfittut imaluunniit sungiusarfittut akuerineqarnissaq siunertaralugu suliffeqarfiup imaluunniit pisortaqaqfiup www.suli.gl aqqutigalugu ilinniartitaanermik ingerlatsiviit attuumassutillit attaveqarfigai.
- 2) Ilinniagaqarnernut sammiviit ataasiakkaat iluini inuussutissarsiutinut ilinniarfinit akuerisaaffimminnut ilinniartut aamma sungiusartut qanoq amerlatiginissaat suliffeqarfiup imaluunniit pisortaqaqfiup www.suli.gl aqqutigalugu nalunaarsortarpai.

3) Suliffeqarfiup imaluunniit pisortaqarfiup www.suli.gl aqputigalugu nalunaarsortarpai ilinniartut aamma sungiusartut qassit sulisorinerlugit, ilinniartitaanernik sammivinni ataasiakkaani, kiisalu kommunimi sorlermi ilinniartoqarfik imaluunniit sungiusartoqarfik inissisimanersoq.

4) Suliffeqarfiup imaluunniit pisortaqarfiup tamanut ammasunik takusassiaralugit suliffissat ilinniartutut aamma sungiusarfittut www.suli.gl -imi inuttassarsiuuttarsimavai.

5) Suliffeqarfiup imaluunniit pisortaqarfiup ilinniartutut aamma sungiusartutut suliffissat akuerisaasut tamaasa inuttalertarsimavai.

Imm. 2. Suliffeqarfik imaluunniit pisortaqarfik tak. imm. 1, atugassarititaasunik naammassinninngitsoq nassuiaateqassaaq pissutaasunik, soq ilinniartunik sungiusartunilluunniit akuerisaanermisut sulisitsinnginninni pillugu.

Imm. 3. Nassuiaataasooq imm. 2 naapertorlugu nalunaarneqassaaq suliffeqarfiup imaluunniit pisortaqarfiup quppersakkami saqqummiussisarfiani (www.suli.gl).

Imm. 4. Suliffeqarfik imaluunniit pisortaqarfik Sulisoqarnermut Naalakkersuisoqarfimmuut isumaqatigiissuteqarsinnaavoq imm. 1-imi atugassarititaasunik naammassinnikkumalluni imm. 2 naapertorlugu nassuiaataasumi atugassarititaasut naammassineqanngippata.

Smileyinik qorsunnik, sungaartunik aappalaartunillu tunniussinerit

§ 4. § 3, imm. 1-imi najoqqutassat aallaavigalugit Sulisoqarnermut Naalakkersuisoqarfiup smileyit qorsuit, sungaartut aappalaartullu tunniussortarpai.

Imm. 2. Suliffeqarfik imaluunniit pisortaqarfik, § 3, imm. 1-imi najoqqutassanik tamanik piviusunngortitsisoq smileyimik qorsummik pissarsissaaq.

Imm. 3. § 3, imm. 2 aamma 3 malillugit piviusorsioortumik nassuiaammik tunniussippat suliffeqarfik imaluunniit pisortaqarfik, § 3, imm. 1-imi, nr. 1-4-mi najoqqutassanik tamanik piviusunngortitsisoq smileyimik sungaartumik pissarsissaaq.

Imm. 4. § 3, imm. 2 aamma 3 malillugit piviusorsioortumik nassuiaammik tunniussinngippat suliffeqarfik imaluunniit pisortaqarfik, § 3, imm. 1-imi, nr. 1-4-mi najoqqutassanik tamanik piviusunngortitsisoq smileyimik aappalaartumik pissarsissaaq

Imm. 5. Suliffeqarfik imaluunniit pisortaqarfik § 3, imm. 1, nr. 1-4-mi najoqqutassanik tamanik pinnani ilaannaanilli piviusunngortitsisoq smileyimik aappalaartumik pissarsissaaq.

Nakkutilliineq aalajangiisinaassuserlu

§ 5. Sulisoqarnermut Naalakkersuisoqarfik suliffeqarfiit aamma pisortaqarfiit ataasiakkaat smileyimik qorsummik, sungaartumik imaluunniit aappalaartumik tunineqarnissaat pillugit nakkutilliillunilu aalajangiisartuuvooq.

Imm. 2. § 3 malillugu suliffeqarfik imaluunniit pisortaqarfik paasissutissanik nalunaaruteqarlunilu uppersaatinik nassiussinissaanut Sulisoqarnermut Naalakkersuisoqarfik peqqusisinaavoq.

Smileyimik tunniussaqaarnissamut nalilersueqqinnerit

§ 6. Suliffeqarfik imaluunniit pisortaqarfik smileyimik tunniunneqartumik naammaginninngitsoq smileyip tunniunneqartup nalilersoqqinnissaanik kissaateqaruni Sulisoqarnermut Naalakkersuisoqarfimmut allakkatigut saaffiginnissinnaavoq.

Imm. 2. Sulisoqarnermut Naalakkersuisoqarfiup suliffissarsiornermut nittartagaani (www.suli.gl -imi) qarasaasiakkut nalilersueqqinnissamut immersuiffikkut saaffiginnittoqassaaq.

Imm. 3. Nalilersueqqinnissamik kissaateqarluni suliassanngortitsisinnaanermut piffissaliussaq aalajangiinermik tigusiinermiit sap. ak. 4-nik sivilissuseqarpoq.

Atuutilerfia

§ 7. Nalunaarut ulloq 5. april 2022 atuutilerpoq.

Namminersorlutik Oqartussat, ulloq 7. marts 2022

Mimi Karlsen

Isumaginninnermut, Suliffeqarnermut Nunamullu
Namminermut Naalakkersuisoq

/ Isak Nielsen Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

